

廣東府縣志輯

中國地方志集成


光緒四會縣志

中國地方志集成

廣東府縣志輯④⁹

光緒四會縣志

上海書店 ● 巴蜀書社 ● 江蘇古籍出版社



光緒四會縣志



(清)

陳志喆
劉德恒
吳大猷
纂修

光緒重修四會縣志序

志邑難於治邑吾友鄭小谷比部嘗言之矣其說曰治邑者民愚可諭以理理悖可裁以法法窮可行以意而志邑者不然疆域經政人物皆有定無理可論無法可裁即曰訛者正之闕者補之亦不能以意自爲也以是言之難乎易乎志創於前明永樂時中閒屢經修纂書雖不存而察其序例簡陋實甚近所存者爲道光初邑合伍君重修相傳時修廣東通志徵事於邑督部儀徵阮公期迫檄嚴伍君以三閱月上其書舊事失於糾正新事疏於抉擇尤爲不滿人意然已爲舊本矣光緒十七年林下 吳菴圃長諭爲綏江書院都講進賢陳西岑太史來署邑家有倡修縣志之舉明年余蒞任樂

光緒四會縣志

編首 劉序

一

與高權凡體例之未善者刪訂改正皆出 吳君而正謬補脫余則與有力焉蓋舊本僅就通志採掇成書於古來史傳向未蒐及缺佚者多邑爲漢縣其得名也以四水所會則四水當求之漢志而舊本所載水道綏江及兩小水皆不在四水之內者也秩官有黃幾復而不知幾復名介有李樸而不知字先之者應作李朴宦績有趙必璩云與父崇訥同科而不知爲崇訥皆其誤之大者余悉取山海經漢書地理志宋史列傳宗室世系表山谷文集宋詩紀事爲之更定以爲考古者之助不但正通志府志相承之訛且以正太平寰宇記輿地紀勝之訛矣至於釐金之法始於軍興至今數十年與開稅鹽鐵諸政並重實爲將來 國史食貨志中一大政亦

爲今日郡邑志中一創舉其在所必書明矣嘗牒釐務總局請下其事於縣而局員某謂釐金乃不得已之政宜諱不宜書寢牒不行今所載者僅其大略聊備史法而已 吳君既長書院兼領志局日與諸生講貫經義暇則秉筆編葺晦明風雨無少閒而考古必確探今必詳不敢有一字之率逾數寒暑凡數易稿始爲定本以視數月蒞事者其用心爲何如也余時已移官龍門 吳君以書屬序因自述其原委如此昔鄭比部以象州人爲象州志自謂但有刪除而無演說論者以爲足以媲美韓氏朝邑康氏武功陸氏靈壽諸志今 吳君亦以邑人爲其邑志其毅然筆削亦有無媿於鄭氏之志者余得觀厥成有深幸焉光緒二十二年秋九月同知銜

光緒四會縣志

編首 劉序

二

調署龍門縣事本任四會縣知縣洪洞劉德恆謹識

光緒四會縣志職名

主修

同知銜翰林院庶吉士選授會同縣知縣署四會縣事陳志喆 江西進賢人

同知銜肇慶府經歷代理四會縣事陳應泰 浙江紹興人

同知銜本任四會縣知縣調署龍門縣事調補東莞縣知縣劉德恆 山西洪洞人

同知銜粵海關庫大使署四會縣事唐盛松 廣西鬱林人

監修

內閣中書銜四會縣教諭尤其深 順德人

高要縣訓導兼理四會縣教諭王洪 潮陽人

四會縣教諭鄧文虎 英德人

四會縣訓導李若金 吳川人

倡修

花翎三品銜特用道前署廣西柳州府知府吳熾昌 中路相魁

花翎同知銜吳若珍 中路姚沙

花翎強勇巴圖魯梧州協副將江志 上羅源

花翎同知銜龍耀輝 下路村美

總纂

前曲江縣教諭歷任國子監率性堂學正吳大猷 中路相魁

分纂

拔貢生就職教諭何其鈞 中路相魁

采訪

恩貢生候選教諭吳恢宗 中路姚

廩貢

生鄒國儀 上路下

歲貢生候選訓導黃國楨 下路隆

附貢生六品銜分府候委教職區子璘 下路村

收掌

州校錄同銜李溢泉 中路橋東

校錄

生員吳大韶 中路相

增生員吳泰瞻 中路相

生員林儀笙 中路相

生員吳文錦 中路相

生員梁鈺 中路沙

文生童蕭宗何 中路沙

文生童蕭宗漢 中路沙

生員沈元輝 中路橋

附貢生候選訓導李棟榮 中路廟

生員許桓邦 中路廟

生員吳廷杰 下路廟

光緒四會縣志編首職名

二

光緒四會縣志凡例

一舊志編首恭載 上諭及 御製文統稱曰 典謨考
府志不載省志載稱 聖謨他志或稱 訓典今以 上
諭及 恩詔統稱 詔令而以 歷朝御製文統稱 聖
製分別恭載

一舊志所載 上諭十八道 御製文四篇亦有言宜從
府志例不必復載者然 歷朝上諭御製文集等書曾經
頒發到縣者兵燹後久已無存正可因閱志書欽承 聖
訓故更從省志南海志及近日新頒有關本邑者增入
上諭詔書九十四道 御製文八篇擡寫字樣悉照省志
例敬謹錄登至志內則無論三擡雙擡單擡字樣俱止空

光緒四會縣志編首凡例

一格以省篇帙

一輿地志先疆域道里廂鄉據現在也次沿革溯從前也
次山川附於地者也夫然後以圖著之氣候風俗因乎時
而繫於地物產則地之所生也故氣候風俗物產又次之
若蠶蠶亦縣地所有因並志焉

一建置志先城池次廨署有城池然後土可守次倉廩次
學校試院書院社學以養以教守土責也治民者必事神
故次以壇廟若津梁若墟市亦人所建置而受治於守土
者也故又次之新建善堂適落成所以濟教養之不及者
也因並志焉舊志兼列坊表寺觀於義未安從府志省志
例改入古蹟

一經政志所載舊志分三門曰賦役曰禮樂曰兵防今從
府志省志改正其賦役門之解支備支留支改徵統曰征
解稅課鹽課外增入釐金禮樂門之祈年統於秩祀若兵
防諸目竟可以兵防括之矣

一水利乃經政之大端尤今時之急務舊志入疆域府志
入輿圖省志附山川皆所未安今另爲一志

一職官志改從府志省志例分班列表宦蹟卽載表後以
便檢閱不稱秩官不立名宦武功等目

一選舉志亦從府志省志例其子目增制舉一條進士舉
人貢生統曰科目易援例曰例仕易廢子曰廢襲餘仍舊
志但分別時代各自爲表

光緒四會縣志編首凡例

二

一人物志從府志而稍變其例蓋府志係從省志例以列
傳爲主吾邑經咸豐朝紅匪髮逆之亂其士民婦女之死
難者將備載其名氏以表彰之不必皆有言行可傳也故
子目先忠義有表有傳次列女以貞孝節烈爲一表傳則
有才德可述者並載焉次耆壽表次列傳始亦立孝行善
士藝術等名後見上海陸慶循嘉慶志修例謂分別品目
係國史體裁邑乘不當僭擬故第將舊志所載及采訪冊
所報按時代排纂咸豐以後無時代可據者則分舖備紀
善善之意閱者自得之至仙佛必另標目而釋道從之末
載流寓一篇則以其雖非邑人而曾居邑地也

一藝文志舊志臚列邑人之作並濫及他人投贈邑人之

作誤矣修志書非選文字也果文字有關於地方利病建置得失以及題詠名勝者止可分註各篇各條下其他作者雖有名篇俊句當於本人傳中及之今從府志省志例采訪邑人著述無論書傳不傳已刻未刻分經史子集備載書目舊志所收概從刪削

一古蹟志據舊志所載有增並將坊表寺觀纂入亦府志省志例也

一雜事志志災祥雖非人事之常亦見天時之變其餘前事軼事不便入正志而有以資掌故示勸懲者亦悉錄入俾邑人士無忘故老之所傳

一新志既修舊志必廢凡志皆然實則後人據前人底本

光緒四會縣志

編首凡例

三

重爲補訂以求詳備非必遂勝之也故舊志於歷屆修志姓名序跋其可知者必備存然置之編首典謨之前實未允協故改附編末讀者參考而互證之亦得失之林也一縣志編列八景已成俗套故後之秉筆者每毅然去之吾邑八景亦有言不必存者然遠而都門則有燕山八景近而省會則有羊城八景伏讀欽定日下舊聞考圓明園則有四十景避暑山莊則有三十六景靜宜園則有二十八景靜明園則有十六景又圓明園內多稼軒亦有十景蓋標名舉勝聖人不廢也既著於前何爲泯於後哉但星移物換感類滄桑前之所稱有非復今之所有者固以移載古蹟爲宜

一年號上之廟號年數下之干支府志或載或不載今悉備載以便閱者細注則否以省篇帙

一職官志之某縣人選舉志之任某縣某官不載省分史法也然閱者案頭不必皆有歷代地理志縉紳錄等書卽有之亦煩查對故兼載以便閱者

一志中紀及各官大小必稱名卽有諡亦兼稱名非僭也懼日久而名不彰反令閱者茫然也府志有單舉其姓者不必從

一人物志書字不書號亦史法也然自別號盛行卽平日稔交亦不知其字某矣志中或書字或書號或兼書或不書皆以采訪冊爲據

光緒四會縣志

編首凡例

四

一斯志稱編而不稱卷者自漢以來變竹簡木板以紙寫書卷以藏之一卷不能盡乃有二卷以次標記揚子法言一卷之書不勝異說焉必立之師前漢書藝文志尚書古文經四十六卷韓昌黎詩鄴侯家多書插架三萬軸皆是也都穆聽雨紀談謂其後以卷舒之難因而爲摺久而摺斷乃分爲部帙不卷而摺已基於此至五代時鏤板印書更無煩於寫摺蓋卷之名存實亡久矣編也者前漢書儒林傳注謂所以聯次簡也今以一葉印板書當古之一簡而秩其次序以綫編之故不稱卷而稱編爲得其實也又集韻部總也統也則以書幾編爲一部亦其宜也若所謂一套者北方高燥無發潮之患每書一部必裱布套以包

之倘亦沿其稱又有名無實之一端矣稱光緒者則元和郡縣志例也

以上各條署縣陳志詰西岑手創總纂吳大猷松圖參定

光緒四會縣志

編首凡例

五

光緒四會縣志目錄

編首

序文 凡例 職名

詔令

聖製

編一

輿地志

疆域 暑度附 廂鄉 沿革 山川 圖說 氣

候 風俗 物產 徭蠶 客民附

編二

建置志

光緒四會縣志

編首目錄

六

城池 廨署 倉廩 學校 試院 書院 義學家塾附

社學 鄉約附 壇廟 文閣文筆附 津梁 石路水步涼亭附 墟市 善堂

義莊義冢附

編三

經政志

班朝 蒞官 田賦 戶丁附 征解 積儲 稅課 鹽

法 釐金 秩祀 造士 訓俗 兵防 郵遞

船政

編四

水利志

圍基 阡洞 蒲溪附 陂壩

編五

職官志

文職 武職 宦蹟

編六

選舉志

制舉 薦辟 科目 例仕 藩戚 封贈 廕襲

編七

人物志

忠義 列女 耆壽 列傳 仙佛附道釋 流寓

編八

藝文志

光緒四會縣志

編首 目錄

七

經部 史部 子部 集部

編九

古蹟志

輿地 建置 坊表 冢墓 寺觀 文塔 八景

編十

雜事志

災祥 前事 軼事 續志

編末

前志序跋 後序

光緒四會縣志編首上

詔令一

世祖章皇帝順治六年己丑奉

上諭自兵興以來地多荒蕪民多逃亡流離無告深可憫惻著戶部都察院傳諭各撫按轉行道府州縣有司凡各處逃亡人民不論原籍別籍必廣加招徠編入保甲俾之安心樂業查本地方無主荒田州縣官給以印信執照開墾耕種永准為業俟耕至六年之後有司官親察成熟畝數撫按勘實奏請奉旨方議徵收錢糧其六年以前不許開徵不許分毫簽派差役如縱容衙官衙役鄉約甲長借端科害州縣印官無所辭罪務使逃民復業田地開墾漸多各州縣以招民設法勸耕之多寡為優劣道府以善處責成催督之勤惰為殿最每歲終撫按分別具奏載入考成該部院速頒遵行欽此

順治十二年乙未奉

光緒四會縣志

編首上 詔令

一

上諭朕惟人臣立身制行本諸一心心正則為忠為直眾美集焉不正則為奸為慝羣惡歸焉是故心者萬事之本美惡之所由出也顧事有殊途心惟一致一於國則忘其家一於君則忘其身如此者不特名顯身榮邦家亦永賴之矣若夫奸邪之流樹黨營私怙權亂政卒至身名俱喪為國厲階蓋緣居恆無正心之功一當勢利遂昏迷瞽亂狂肆驕矜上昧王章下乖臣誼或作威而聯羽翼或比匪而效奔趨如譚泰石漢以累世舊臣久叨恩遇不思圖報逞臆橫行跋扈自恣目

無綱紀陳名夏則一介豎儒驟蒙顯拔倚任深重賜賚優隆而乃背德植交茂法罔上此皆自作罪孽以致隕厥身家朕惡稽往古宵人誤國代有之觀諸近事復炯鑒昭然足爲永戒恐後之爲臣者或仍蹈覆轍負主恩而渝素志至於身罹刑憲悔悼無由故推原情狀而論列之錄成一編以爲人臣儆心之訓云欽此

順治十二年乙未

上諭禮部朕維帝王敷治文敎是先臣子致君經術爲本自明末擾亂日尋干戈學問之道闕焉未講今天下漸定朕將興文敎崇經術以開太平爾部卽傳諭直省學臣訓督士子凡理學道德經濟典故諸書務要研求淹貫博古通今明體則光緒四會縣志

編首上 詔令

二

爲眞儒達用則爲良吏果有此等實學朕必不次簡拔重加任用又念先賢之訓仕優則學仍傳諭內外大小各官政事之暇亦須留心學問俾德業日修識見益廣佐朕右文之治特諭欽此

聖祖仁皇帝康熙二十年辛酉十二月奉

詔曰朕纘承丕緒統御寰區仰惟

天地眷佑之庥

祖宗付託之重

聖祖母太皇太后慈訓之殷蚤夜孜孜勤求化理期於兵革寢息海寓乂安不意逆賊吳三桂負國深恩倡爲變亂陰結奸黨同惡相援抗違詔令竊據疆土滇黔閩浙楚蜀關隴兩粵

豫章之閒所在騷肆逞痛毒三桂僭稱偽號逆欲彌滋負罪尤甚朕恭行天討分命六師勦撫並施德威互濟或繫頸於闕下或駢戮於師中擒捕誅鋤以次收服乃三桂既膺神殛逆孫世璠猶復鴟張據六詔之一隅延殘喘以拒命朕惟賊患一日不除則民生一日不靖策厲將士屢趣師期於是虎旅協心進逼城下賊衆計窮勢蹙蹙遁款軍門約日獻城兇渠授首師克之日市肆不擾邊境晏如捷書既至上慰

郊廟

社稷之靈下抒中外臣民之憤神人胥悅遐邇騰歡念自變亂以來軍民荼苦如在水火披堅執銳卒歲靡盬行齋居送千光緒四會縣志

編首上 詔令

三

里相望被兵之地旣罹於鋒刃供億之衆復困於徵輸朕閔恤民艱不忍輒加額賦開施權宜之令用濟征繕之需意在除殘事非獲已而身處宮寢之內塵懷閭閻之依中夜屢興盱食不暇怒焉思治八載於茲今羣逆削平疆圉底定悉翦厯年之蠹賊永消異日之隱憂用是蕩滌煩苛惟新庶政大沛寬和之澤冀臻熙皞之風欽此

康熙四十九年庚寅

上諭戶部朕恭膺

天眷祇承

烈祖鴻庥統御萬方子育兆庶塵懷至治宵旰靡寧幸際海宇同風邊隅向化遐邇中外帖然衽席之安是皆仰荷

天地

祖宗福佑之所致也方朕八齡踐阼之初

太皇太后問朕何欲朕對臣無他欲惟願天下治安生民樂業

共享太平之福而已迄今五十年矣倦倦此心未嘗一日少

釋每思民爲邦本勤恤爲先政在養民蠲租爲急數十年以

來除水旱災傷例應豁免外其直省錢糧次第通蠲一年者

屢經舉行更有一年蠲及數省一省連蠲數年者前後蠲除

之數據戶部奏報通共會計已逾萬萬朕一無所顧惜百姓

足君孰與不足朝廷恩澤不施及於百姓將安施乎朕每歲

供御所需概從儉約各項奏銷浮冒亦漸次清釐外無師旅

饑饉之煩內無工役興作之費因以歷年節省之儲蓄爲頻

光緒四會縣志

編首上 詔令

四

歲渙解之恩膏朕之蠲免屢行而無國計不足之慮亦恃此

經畫之有素也比來省方時邁已歷七省南北人民風俗及

日用生計靡不周知而生民所以未盡殷阜者良由承平既

久戶口日繁地不加增產不加益食用不給理有必然朕洞

燭此隱時深軫念爰不靳敷仁用甦民力明年爲康熙五十

年思再沛大恩以及吾民原欲將天下錢糧一概蠲免因衆

大臣集議恐各處需用兵餉撥解之際兵民驛遞益致煩苦

細加籌畫悉以奏聞故自明年始於三年以內通免一周俾

遠近均霑德澤直隸奉天浙江福建廣東廣西四川雲南貴

州各巡撫及府尹所屬除漕項錢糧外康熙五十年應徵地

畝銀共七百二十二萬六千一百兩有奇應徵人丁銀共一

百一十五萬一千兩有奇俱著察明全免並歷年舊欠共一

百一十八萬五千四百兩有奇亦俱著免徵其五十一年五

十二年應蠲省分至期候旨行民閒舊欠既經豁免嗣後每

年額徵錢糧務如數全完倘完不及額或別有虧空託稱民

欠則負國甚矣卽責令督撫以下官員償補仍從重治罪夫

地方大吏以及監司守令皆與吾民誼切休戚者也誠克體

朕孜孜保赤之懷實心愛養力杜侵牟賡削則閭閻咸得衣

食滋殖無有失所而爲官吏者亦身名俱泰豈非昇平樂利

之盛事歟爾部移文各督撫諭旨到日卽刊刻頒布徧示窮

簪令咸知悉欽此

世宗憲皇帝雍正元年癸卯奉

光緒四會縣志

編首上 詔令

五

上諭朕惟國家首重吏治爾州牧縣令乃親民之官吏治之始

基也貢賦獄訟爾實司之品秩雖卑職任綦重州縣官賢則

民先受其利州縣官不肖則民先受其害膺茲任者當體朝

廷惠養元元之意以愛民爲先務周察部屋綏輯鄉里治行

果有其實循卓自有其名非內聚賄而外干譽謂之名實兼

收也全省吏治如作室然督撫其棟梁也司道其垣墉也州

縣其基址也書云民惟邦本本固邦寧夫所以固邦本者在

吏治而吏治之本在州縣苟州縣之品行不端猶基不立則

室不固庸有濟乎

皇考臨御六十一年灼知州縣之重特行引見咨詢明試至詳

至慎其有廉能之員每不次超擢以示鼓勵今海內羣黎皆

皇考所懷保也朕膺

宗社重寄思繼

皇考之治功惟爾州縣諸臣具有父母斯民之責其爲朕立之基址以固邦本焉誠能潔己奉公實心盡職一州一縣之中興仁興讓教孝教忠物阜民安刑清訟簡朕將升之朝立用作股肱如或罔念民瘼恣意貪婪或朘削肥家或濫刑逞虐或借刻以爲清或恃才而多事或諂媚上司以貪位或任縱胥吏以擾民或徇私逞欲以上虧國帑王章具在豈爾貸與更有任州縣時私肥己橐而漫云且俟顯要方立名節者其與初市清節晚而改操之人何以異哉至於錢糧關係尤重絲毫顆粒皆百姓之脂膏增一分則民受一分之累減一分

光緒四會縣志

編首上 詔令

六

則民沾一分之澤前有請暫加火耗抵補虧空帑項者

皇考示諭在廷不允其請爾諸臣共聞之矣今州縣火耗任意加增視爲成例民何以堪乎嗣後斷宜禁止或被上司察核或被科道糾參必從重治罪決不寬貸夫欲清虧空之源莫如節儉正直節儉則用無不足正直則上官不可干以私若朘小民之生以飽上官之貪欲冒不測之罪以快一時之奢侈豈砥礪廉隅爲民父母之道乎爾州縣等官其恪共乃職勿貽罪戾毋謂地遠官卑朕不及察其賢否也特諭欽此

雍正元年癸卯

上諭禮部致治之要首在風化移風易俗莫先於鼓勵良善使人人知彝倫天則之爲重忠孝廉節之宜敦古帝王勢來匡

直所以納民於軌物者舍是無由也朝廷每遇覃恩詔款內必有旌表孝義貞節之條實係鉅典邇來直省大吏往往視爲具文並未廣諮遠訪祇將有力之家囑託賂遺者漫憑郡縣監司之申詳卽爲題請建坊而山村僻壤窮氓耕織之人或菽水養親天性篤孝或柏舟矢志之死靡他鄉鄰嗟嘆爲可欽而姓氏不傳於城邑幽光湮鬱潛德消沈者何可勝數爾部卽著傳諭督撫學政諸臣嗣後務期各屬搜羅虛公核詢確據本人鄉評實蹟題奏旌獎勿以匹夫匹婦而輕爲沮抑勿以富豪巨族而濫爲表揚以副朕成俗化民實心彰善至意特諭欽此

雍正元年癸卯奉

光緒四會縣志

編首上 詔令

七

上諭朕臨御以來宵旰憂勤凡有益於民生者無不廣爲籌度因念國家承平日久生齒殷繁土地所出僅可贍給偶遇荒歉民食維艱將來戶口日增何以爲業惟開墾一事於百姓最有裨益但向來開墾之弊自州縣以至督撫俱需索陋規致墾荒之費浮於買價百姓畏縮不前往往膏腴荒棄豈不可惜嗣後各省凡有可墾之處聽民相度地宜自墾自報地方官不得勒索吏胥亦不得阻撓至陞科之例水田仍以六年起科旱田以十年起科著爲定例其府州縣官能勸諭百姓開墾地畝多者准令議敘督撫大吏能督率各屬開墾地畝多者亦准議敘務使野無曠土家給人足以副朕富民阜俗之意特諭欽此

雍正二年甲辰奉

上諭人臣膺命効職果能實心愛民清白自矢則官去民思甘棠留詠有愈久而不能忘者從古有之若今之生祠書院不知始自何人自督撫提鎮以及監司守令所在多有究其實不過官員在任之時或係下屬獻媚逢迎或地方紳衿有出入公門包攬詞訟之輩倡議糾合假公派費占地興工甚至園囿亭臺窮極華麗勞民傷財一無顧惜及其後或爲宴會遊玩之場或本官竟據爲產業考其年月則官員去任之後百姓追思而特爲興造者甚少此事向曾禁止而踵弊如故當再爲嚴飭嗣後如有仍造生祠書院者或經告發或被糾參即將本官及爲首之人嚴加議處其現在之生祠書院如光緒四會縣志編首上 詔令八

果係名宦去任之後民間追思蓋造者准其存留其餘俱著地方官查明一概改爲別用或爲義學延師授徒以廣文教如此則以無用爲有用以惜民財力杜絕虛浮於地方風俗大有裨益特諭欽此

雍正二年甲辰奉

上諭朕惟撫養元元之道足用爲先朕自臨御以來無刻不廬念民依重農務本業已三令五申矣但我國家休養生息數十年來戶口日繁而土田止有此數非率天下農民竭力耕耘兼收倍穫欲家室盈溢必不可得周官所載巡稼之官一而足又有保介田畯日在田間皆爲課農設也今課農雖無專官然自督撫以下孰不兼此任也其各督率有司悉心

相勸並不時咨訪疾苦有絲毫妨於農業者必爲除去仍於

每鄉中擇一二老農之勤勞作苦者優其獎賞以示鼓勵如此則農民知勸而惰者可化爲勤矣再舍傍田畔以及荒山不可耕種之處度量土宜種植樹木桑柘可以飼蠶菓栗可以佐食柏桐可以資用卽榛楮雜木亦足以供炊爨其令有司督率指畫課令種植仍嚴禁非時之斧斤牛羊之踐踏奸徒之盜竊亦爲民利不小至孳養牲畜如北方之羊南方之豕牧養如法乳字以時於生計不無裨益總之小民至愚經營衣食非不迫切而於目前自然之利反多忽略所賴親民之官委曲周詳多方勸導庶使踴躍爭先人力無遺而地利始盡不惟民生可厚風俗亦可還淳爾督撫等官各體朕倦倦愛民之意實心奉行倘視爲具文苟且塗飾或反以擾民則尤不可也欽此

雍正二年甲辰奉

上諭社會之設原以備荒歉不時之需用意良厚然往往行之不善致滋煩擾官民俱受其累朕意以爲奉行之道宜緩不宜急宜勸諭百姓聽民便自爲之而不當以官法繩之也近聞各省漸行倉社之法貯蓄於豐年取資於儉歲俾民食有賴而荒歉無憂朕心深爲嘉悅但因地制宜須從民便是在有司善爲倡導於前留心照應於後使地方有倉社之益而無社倉之擾此則爾督撫所當加意體察者也又民間輸納錢糧用自封投櫃法亦屬便民之道但偶有短少之處令其

添補每致多索其數浮於所少之外理應將原銀發還仍於原封內照數補足交納庶可免多索之弊此雖細事督撫大吏亦不可不留心體察嚴飭有司以除民累特諭欽此

雍正二年甲辰

上諭沿海居民人等朕思天地之間惟此五行之理人得之以生全物得之以長養而主宰五行者不外夫陰陽陰陽者卽鬼神之謂也孔子言鬼神之德體物而不可遺豈神道設教哉蓋以鬼神之事卽天地之理故不可以偶忽也凡小而邱陵大而川岳莫不有鬼神主之故當敬信而尊事況海爲四瀆之歸宿乎使以爲不足敬則堯舜之君何以柴望秩于山川文武之君何以懷柔百神及河喬嶽今愚民昧於此理往往淫祀而不信明神傲慢褻瀆致干天譴夫善人多而不善人少則天降之福卽稍有不善者亦蒙其庇不善人多而善人少則天降之罰雖善者亦被其殃近者江南報上海崇明諸處海水泛濫浙江又報海鹽平湖會稽等處海水衝決隄防致傷田禾朕痛切民隱憂心孔殷水患雖關乎數或亦由近海居民平日享安瀾之福絕不念神明庇護之力傲慢褻瀆者有之夫敬神固理所當然而趨福避禍之道卽在乎此能敬則謂之順天不敬則謂之褻天褻天之人固可望綏寧之福乎詩曰敬天之怒無敢戲渝又曰畏天之威于時保之朕固當朝乾夕惕不遑寧處以敬承天意亦願爾百姓共懍此言內盡其心外盡其禮敬神如神在實以至誠昭事

光緒四會縣志

編首上 詔令

十

而不徒尙乎虛文人意卽神意一念之感悟自足以致休祥豈獨一家一鄉之被其澤哉爾百姓果能人人心存敬畏必獲永慶安瀾著該督撫將此諭旨令該地方官家喻戶曉俾沿海居民一體知悉特諭欽此

雍正三年乙巳奉

上諭治莫尙於風化而節行實爲風化之首故旌揚盛典厯代崇之凡以闡幽光而彰至教也朕卽位以來拳拳以敦教化勵風俗爲務恩詔中勅令旌表節義使苦寒守節之家均沾恩澤嗣又頒發諭旨至再至三誠欲地方有司加意採訪俾深山窮谷之中側微幽隱無一不大顯於斯世也但每見直省舉報俱係民間婦女而營伍中絕少夫海內營伍中其矢志勵操艱苦備嘗以完節行者斷不乏人而向來罕聞舉報豈以旌典例由生員具呈教官具結而教官生員與兵丁聲氣渺不相同無由真知灼見故舉報寥寥耶朕於兵民一視同仁而兵之與民其秉彝好德之心濯磨激勸之道又未嘗有二營伍中節烈或竟湮沒不彰朕甚憫焉夫儒生與戎伍旣恐聲氣不接而風化之原要未有不起於學校者必如何而使兵民一體凡營伍中節行貞烈之婦女盡得舉報不致冒濫亦不致隱漏舉向來湮鬱未著之幽芳並邀國家旌揚之盛典著九卿等詳議具奏以副朕廣勵風節至意特諭欽此

雍正三年乙巳奉

上諭古者視歲之上中爲儲蓄之節蓋官民經畫久遠不爲一時苟且之計積之於豐年用之於歉歲所謂有備無患法良而意美也朕自臨御以來宵旰勤求無刻不以民依爲念乃重農積粟之詔屢下而閭閻卒少蓋藏官倉亦多虧缺卽如直隸保定等府去歲頗稱有秋今春二麥亦熟乃以夏秋雨水過多田禾被溺而民間遂有饑色幾至流離若非多方賑恤窮民必致失所此皆草野無知食不以時用不以禮但快目前之有餘罔計異日之不足一遭旱澇追悔無從至於常平等倉原爲備荒而設乃有司奉行不力多致缺額罪何可逭茲據江南浙江江西湖廣福建河南山西陝西廣東廣西雲南貴州等省督撫報稱今歲收成八九十分不等朕覽奏光緒四會縣志編首上詔令

三

不勝慰悅又重爲吾民計及長久宜及此時講求儲蓄之道以備將來該督撫等可轉飭有司徧行曉諭務須撙節愛惜各留有餘預爲他時緩急之需社會之法亦宜乘此豐年努力爲之勿但視爲虛文故事朕爲吾民籌畫養贍之道惓惓於懷無時或釋而吾民自謀其身家若但苟且因循不復長顧遠慮則重負朕軫念元元之意矣至於州縣倉儲向有虧缺者若不乘此豐收之時速行買補將來發覺斷不姑貸慎之慎之欽此

雍正四年丙午奉

上諭爲士者乃四民之首一方之望凡屬編氓皆遵之奉之以爲讀聖賢之書列膠庠之選其所言所行俱可爲鄉人法則

也故必敦品勵學謹言慎行不愧端人正士然後以聖賢詩書之道開示愚民則民必聽從其言服習其教相率而歸於謹厚或小民偶有不善之事卽懷愧恥之心相戒勿令某人知之如古人之往事則民風何患不淳世道何患不復古耶朕觀今日之士子雖不乏閉門勤修讀書立品之輩而蕩檢踰閑不顧名節者亦復不少或出入官署包攬詞訟或武斷鄉曲欺壓平民或違抗錢糧藐視國法或代民納課私潤身家種種卑污下賤之事難以悉數彼爲民者見士子誦讀聖賢之書而行止尙且如此則必薄待讀書之人而並輕視聖賢之書矣士習不端民風何由而正其開關係極爲重大朕自卽位以來加恩學校培養人材所以教育士子者無所不至宜乎天下之士皆鼓舞奮興爭自濯磨盡去其佻達之習矣而內外諸臣條奏中臚列諸生之劣迹請行嚴懲者甚多朕思轉移化導之法當先端其本源教官者多士之儀型也學臣者教官之表率也教官多屬中材又或年齒衰邁貪位竊祿與士子爲朋儔視考課爲故套而學臣又以但衡文爲事任教官之因循怠惰苟且塞責漫不加察所以倡率之本不立無怪乎士習之不端而風俗之未淳也朕孜孜圖治欲四海之大萬民之衆皆向風而慕義革薄而從忠故特簡督學之臣慎重學臣之職欲使自上兩下端本澄源以收實效也凡爲學臣者務使持公秉正宣揚風化於教官之稱職者卽加薦拔溺職者卽行參革爲教官者訓誨士子悉秉誠心

光緒四會縣志編首上詔令

三

如父兄之督課子弟至於分別優劣則至公至當不涉偏私如此各盡其道則士子人人崇尚品詣砥礪廉隅且不但自淑其身而羣黎百姓日聞善言日觀善行以生其感發之念風俗之不變庶幾其可望也特諭欽此

雍正四年丙午奉

上諭朕覽戶部奏銷本章見恩詔內賞給老人一項直隸各省七十以上至百歲以上老民夫婦共一百四十二萬一千六百二十五名賞給絹布等件價銀共八十九萬餘兩米一十六萬五千餘石等語凡此老人但就民人而言如仕宦紳士商賈僧道皆不入此數之內洪範以壽居五福之首而昔人稱七十爲古稀誠以壽爲難得而可貴也乃今日老人之多光緒四會縣志編首上詔令

古

至於如此皆由我

皇考聖祖仁皇帝六十餘年以來深仁厚澤休養生息凡山陬海澨僻壤窮鄉無不沐浴

鴻慈涵濡大化太和翔洽壽國壽民所以期頤耄耋眉皓首之人至數百餘萬之多所謂老者以壽終幼孤得遂長者皆我

皇考之賜也從此益加培養日積月累則民間之享高年介眉壽者更不知如何之衆矣此等老人躬際昌期年登上壽大抵皆居心忠厚力行善事之人卽或有一二年少時未盡醇謹者亦必中年暮齒能自悔悟之人蓋一念修省卽荷上天之福佑也是國家有培養之恩亦由本人能修善以祇承之

非倖而致之者也爾等百姓觀太平之盛事當歡欣鼓舞謹身修德以迓天庥父與父言慈子與子言孝兄弟友恭夫婦和順比閭族黨之閒相親相愛無詐無欺革薄從忠循分守法盡除乖戾之氣爲國家淳樸善良之民則天地佑善錫福長享遐年此必然之理也但生齒日盛食指繁多則謀生之計不可不講爾等百姓當重農桑以順天時勤開墾以盡地利務本業以戒遊惰謹蓋藏以裕久遠而且節省日用愛惜物力毋縱奢侈毋競紛華毋任意靡費以耗有用之財毋但顧目前而忘經久之計朕以勤儉先天下宮禁之中於食餘之物皆不忍棄必令人檢取收貯之數年以來所貯米粟已至數十石之多朕臨御萬方尙多方撙節愛養以爲加惠元

光緒四會縣志編首上詔令

五

雍正四年丙午奉

上諭帝王體國經邦政治所施惟准乎道理之至當寬嚴賞罰各得其宜若一涉利弊二字便入於私是以孟子云仁義而已矣何必曰利蓋仁所以休養安全義所以裁成化導也朕自承大統四年於茲凡政教號令皆遵法

皇考

皇考在位六十一年

聖謨宏遠

諭旨周詳紀綱法度靡不備舉特當時臣下或有陽奉陰違不能實力遵行者或有事經歷久漸至廢弛者朕在藩邸時知之甚悉卽位以來仰體

皇考仁育義正之心屢降明旨諄諄誥誡無非欲內外大小臣僚咸恪遵

皇考之良法美政實心奉行以共成長治久安之盛是朕所行之政皆

皇考已行之章程所申之令皆

皇考已申之實訓實未嘗有所減省增益也特以歷年既久新

光緒四會縣志

編首上 詔令

六

進疎遠之臣未能悉知見朕所施之政令遂以爲從前所未有而淺陋寡識之人往往於陳奏內有衆利皆興諸弊盡除等語朕經理天下凡用人行政悉本大中至正之心事至而應惟理所當然從無計及利弊之私意如謂興利除弊則凡平治道路疏濬河渠修葺城垣開墾田畝此國家經理之常典而可謂之興利乎年歲豐歉不齊設有水旱爲之賑饑平糶蠲賦緩徵此朝廷軫恤之恆政而可謂之興利乎老人應賜以衣食則賜之孤獨應恤以錢糧則恤之勸以孝弟本小民自有之天良助以耕桑因閭閻各盡之職業而可謂之興利乎至於盜賊姦宄法所應誅貪官汙吏法所應黜豪紳劣紳法所應鋤而謂誅盜姦黜貪汙鋤豪劣爲除弊可乎情罪

重者予以刑辟情罪輕者予以矜釋此又可謂除弊乎欲正民風而端士習不得不戒之用休董之用威也將以此爲興利乎抑除弊乎念習俗之流於奢靡也朕躬爲節儉以身示天下慮農人之情於南畝也朕親爲耕藉以身先天下將以此爲興利乎抑除弊乎夫存興利之心卽有不利之害有除弊之意卽爲啟弊之端由此類推治道安得有利弊之名朕又何嘗有興利除弊之舉也

皇考六十餘年有豐功偉烈布在方冊皆因事治事以人治人從不居興利除弊之名而以此頌揚朕之政事朕實不敢當朕亦不願當也外省督撫諸臣未能深悉朕意爲此曉諭知之欽此

光緒四會縣志

編首上 詔令

七

雍正五年丁未奉

上諭閩廣兩省督撫常稱本省產米甚少不足以敷民食總督高其倬亦曾具奏巡撫楊文乾則云廣東所產之米卽年歲豐收亦僅足供半年之食朕思本省之米不足供本省之食在歉歲則有之若云每歲如此卽豐收亦然恐無此理或田疇荒廢未盡地力或耕耘怠惰未用人功或奸民希圖重價私賣海洋三者均未可定昨曾面諭九卿今廣西巡撫韓良輔奏稱廣東地廣人稠專仰給於廣西之米在廣東本處之人惟知貪射重利將土地多種龍眼甘蔗烟葉靛之屬以致民富而米少廣西地瘠人稀豈能以所產供鄰省多令販運等語此奏與朕前旨相符可知閩廣民食之不足有由來